



拾遺記序

拾遺記者晉隴西安陽人王嘉字子年所撰凡十九
卷二百二十篇皆僞殘缺當僞秦之季王綱遷號五
都淪覆河洛之地沒爲戎墟宮室榛蕪書藏堙毀荆
棘霜露豈獨悲於前王勒爲木叅彌深嗟於茲代故
使典章散滅蠹館焚埃皇圖帝冊殆無一存故此書
多有亡敗文起義炎已來事訖西晉之末五運因循
十有四代王子年乃搜撰異同而殊怪必舉紀事存

櫟受廣嚮奇憲章稽古之文綺綜編雜之部山海經
所不載夏鼎未之或存乃集而記矣辭趣過誕音旨
迂濶推理陳迹恨爲繁冗多涉禎祥之書博採神僊
之事妙萬物而爲言益絕世而弘博矣世德陵夷文
頗缺畧綺更刪其繁紊紀其實美搜刊幽秘摭採殘
落言匪浮說事弗空誣推詳往迹則影徹經史考驗
真怪則叶附圖籍若其道業遠者則辭省櫟素世德
近者則文存靡麗編言貫物使宛言成章數運則與

世推移。風政則因時廻改。至如金繩鳥篆之文。玉牒
蟲章之字。末代流傳。多乖曩跡。雖探研鐫寫。抑多疑
悞。及言乎政化。訛乎禎祥。隨代而次之。土地山川之
域。或以名例相疑。艸木鳥獸之類。亦以聲狀相惑。隨
所載而區別。各因方而釋之。或通變而會其道。寧可
採於一說。今搜檢殘遺。合爲一部。凡一十卷。序而錄
焉。

梁蕭綺撰

史記通鑑

卷之四

二

史拾遺聞

拾遺記

庖犧

神農

黃帝

少昊

高陽

高辛

唐堯

虞舜

夏

殷

周

周穆王

魯僖公

周靈王

燕昭王

秦始皇

拾遺記
目終

史拾遺聞 拾遺記

晉 隴西王 嘉著

明

仁和吳弘基箋

梁 蕭 綺錄

杭州馬翔麟閱

春皇庖犧

春皇者庖犧之別號所都之國有華胥之洲神母遊
其上有青虹繞神母久而方滅即覺有娠歷十二年
而生庖犧長頭修目龜齒龍唇眉有白毫鬚垂委地
或人曰歲星十二年一周天今叶以天時且聞聖人
吳弘基曰春秋孔演圖云天子皆五帝精實各有題序次第相

據起必有
神靈符紀

使升階立
遂

生皆有祥瑞。昔者人皇地身九首。肇自開闢。於時日月重輪。山明海靜。自爾以來。爲陵成谷。世歷推移。難可紀算。比於聖德。有踰前皇。禮義文物。於茲始作。去巢穴之居。變茹腥之食。立禮教以導文。造干戈以飾武。絲桑爲瑟。均土爲墳。禮樂於是興矣。調和八風。以畫八卦。分六位以正六宗。於時未有書契。規天爲圖。矩地取法。視五星之文。分晷景之度。使鬼神以致。歷洞審地勢。以定川嶽。始嫁娶以修人道。庖者包也。言

包含萬象。以犧牲登薦於百神。民服其聖。故曰庖犧。
亦謂伏羲變混沌之質。文安其教。故曰宓犧。布至德
於天下。元元之類莫不尊焉。以木德稱王。故曰春皇。
其明叡炤於八區。是謂太昊。昊者明也。位居東方。以
含養蠢化。叶於木德。其音附角。號曰木星。

炎帝神農

炎帝始教民耒耜。躬勤畎畝之事。百穀滋阜。聖德所
感。無不著焉。神芝發其異。色靈苗擢其嘉。頴陸池丹。

陳仁錫以
第六代

旁華揮三
告之遂德

史記卷一百一十五

封禪書

二

藻駢生女蓋香露滴瀝下流成池因爲泰龍之圃朱
草蔓衍於街衢卿雲蔚藹於叢薄築圓丘以祀朝日
飾琮璫以緝夜光奏九天之和樂百獸率舞八音克
諧木石潤澤時有流雲洒液是謂霞漿服之得道後
天而老有石磷之玉號曰夜明以闇投水浮而不滅
當斯之時漸革庖犧之機辨文物之用時有丹雀銜
九穗禾其隆地者帝乃拾之以植於田食者老而不
死採峻鍬之銅以爲器峻鍬山名也下有金井白氣

冠其上。人升於其間。雷霆之聲。在於地下。井中之金。柔弱。可以絨滕也。

錄曰。謹按周易云。伏羲爲上古觀文於天。察理於地。俯仰二儀。經綸萬象。至德備於冥昧。神化通於精粹。是以圖書著其迹。河洛表其文。變太素之質。改淳遠之化。三才之位既立。四維之義乃張。禮樂文物。自茲而始。降於下代。漸相移襲。八索載其遐軌。九丘紀其淳化。備昭籍籙。編列枉史。考驗先經。

列詳往誥事列方典取徵羣籍博採百家求詳可
證按山海經云常帝之山出浮水玉巫閭之地其
木多文自非道真俗樸理會實旨與四時齊其契
精靈協其德禎祥之異胡可致哉故使迹感誠著
幽祗不藏其實祗心剪害殊性之類必馴也以降
露成池蓄龍爲圃及乎夏代世載繇絕時有蓂龍
之官考諸遐籍繇斯立矣

爰云神農時白民進藥獸人有疾病則拊其獸授

之語。語如白民所傳。不知何語。語已。獸一如野外
啣一草歸。搗汁服之。即愈。後黃帝命風后紀其何
草。起何疾。久之。如方悉驗。古傳黃帝嘗百草。非也。
故虞卿曰。黃帝師藥獸而知醫。吳弘基述

軒轅黃帝

軒轅出自有熊之國。母曰吳樞。以戊己之日生。故以
土德稱王也。時有黃星之祥。考定曆紀。始造書契。服
冕垂衣。故有袞龍之頌。變乘桴以造舟楫。水物爲之

鍾惺曰上
古壽數不
懸于天其
理荒唐得
妙

祥踴。滄海爲之恬波。泛河沉璧。有澤馬羣鳴。山車滿
野。吹玉律。正璇衡。置四史以主圖籍。使九行之士以
統萬國。九行者孝慈文信言忠恭勇義。以觀天地以
祠萬靈。亦爲九德之臣。薰風至。真人集。乃歌。世於昆
臺之上。留其冠劍。佩焉。昆臺者。鼎湖之極峻處也。
立館於其下。帝乘雲龍而遊。殊鄉絕域。至今望而祭
焉。帝以神金鑄器。皆銘題。及昇遐後。群臣觀其銘。皆
上古之字。多磨滅。缺落。凡所造建。咸刊記其年時。辭

跡皆贊。詔使百辟群臣受德教者，先列珪玉於蘭蒲
席上，燃沉榆之香，舂雜寶爲屑，以沉榆之膠和之，爲
泥以塗地，分別尊卑華戎之位也。

事出封
禪記

帝使風后

負書常伯荷劍，旦遊洹流，夕歸陰浦，行萬里而一息。
洹流如沙塵，足踐則陷，其深難測。大風吹沙如霧，中
多神龍魚鼈，皆能飛翔。有石藻青色，堅而甚輕，從風
靡靡，覆其波上，一莖百葉，千年一花。其地一名沙澗。
言沙湧起而成波澗也。仙人寧封，食飛魚而死，二百

年更生。故甯先生遊沙海。七言頌云。青蘗灼爍千載舒。百齡暫死餌飛魚。則此花此魚也。

箋云。軒轅之初立也。有蚩尤氏兄弟七十二人。銅頭鐵額。食鐵石。軒轅誅之於涿鹿之野。蚩尤能作雲霧。一云人身牛蹄。四目六手。今冀州人掘得髑髏如銅鐵者。即蚩尤之骨也。今有蚩尤齒長二寸。堅不可碎。秦漢間說蚩尤氏耳。髮如劍戟。頭有角。與軒轅鬪。以角觝人。人不能嚙。今冀州有樂名蚩。

尤戲其民兩兩三三頭戴牛角而相舐漢造角觝
戲蓋其遺製也○黃帝即位惟聖恩承天明道一
惟仁是行宇內和平未見鳳凰維思影像夙夜晨
興於是乃問天老曰鳳儀何如天老曰夫鳳鴻前
麟後蛇頸魚尾鶴植鴛鴦思麗化枯折所志龍文
龜身燕喙雞喙駢翼而中注首戴頂揭義背負仁
心信智食則有質飲則有儀來則有嘉晨鳴曰發
明晝鳴曰保長飛鳴曰上翔集名曰歸昌翼挾義

衷抱忠。足履正。尾繫武。小聲合金。大音合鼓。延頸
奮翼。五光備舉。光與八風。氣降時雨。此謂鳳像。夫
唯鳳而能究萬物。随天祉。象百狀。達於道。去則有
災。見則有福。覽九州。觀八極。備文武。正王國。嚴炤
四方。仁聖皆伏。故得鳳之像。一者鳳過之。得二者
鳳下之。得三者則春秋下之。得四者則四時下之。
得五者則終身居之。黃帝曰。嗚呼盛哉。於是乃備
黃冕。帶黃紳。齋於中宮。鳳乃蔽目而降。黃帝降自

東階西面啓首。曰皇天降茲。敢不承命。於是鳳乃
遂集東園。食帝竹實。棲帝梧樹。終身不去。吳弘基述

少昊

少昊以金德王。母曰皇娥。處璇宮而夜織。或乘桴木
而晝遊。經歷窮桑滄茫之浦。時有神童。容貌絕俗。稱
爲白帝之子。即太白之精。降采水際。與皇娥讌戲。奏
嬈媚之樂。游漾忘歸。窮桑者西海之濱。有孤桑之樹。
直上千尋。葉紅椹紫。萬歲一實。食之後天而老。帝子

鍾惺曰極
靈宕盡開
朗

與皇娥泛於海上以桂枝爲表結薰茅爲旌刻玉爲
鳩置於表瑞言鳩知四時之候故春秋傳曰司至是
也今之相風此之遺象也帝子與皇娥並坐撫桐峯
梓瑟皇娥倚瑟而清歌曰天清地曠浩茫茫萬象迴
薄化無方滄天蕩蕩望滄滄乘桴輕漾著日傷當其
何所至窮桑心知和樂悅未央俗謂遊樂之處爲桑
中也詩中衛風云期我乎桑中蓋類此也白帝子答
歌四維八埏眇難極目光逐影窮水域璇宮夜靜當

軒織桐峰文梓千尋直伐梓作器成琴瑟清歌流暢
樂難極滄湄海浦來棲息及皇娥生少昊號曰窮桑
氏亦曰桑丘氏至六國時桑丘于著陰陽書即其餘
裔也少昊以主西方一號金天氏亦曰金竈氏時有
五鳳隨方之色集於帝庭因曰鳳鳥氏金鳴於山銀
湧於地或如龜蛇之類乍似人鬼之形有水屈曲亦
如龍鳳之狀有山盤紆亦如屈龍之勢故有龍山龜
山鳳水之自也亦因以爲姓末代爲龍丘氏出班固

藝文志。蚺丘氏出西王母神異傳。

顓頊

帝顓頊。高陽氏黃帝孫昌意之子。昌意出河濱。遇黑龍。負玄王圖。時有一老叟。謂昌意云。生子必叶水德。而王。至十年。顓頊生。手有文如龍。亦有王圖之象。其夜昌意仰視天北辰下。化爲老叟。及顓頊居位。奇祥衆祉。莫不總集。不稟正朔者。越山航海而皆至也。帝乃揖四方之靈。羣后執珪。以禮百辟。各有班序。受文

茅坤曰在
聖為奇祥
居亂為妖
祥

德者錫以鐘磬受武德者錫以干戈有浮金之鐘沉
明之磬以羽毛拂之則聲振百里石浮於水上如萍
藻之輕取以為磬不加磨琢及朝萬國之時乃奏含
英之樂其音清密落雲間之羽鯨鯢游湧海水恬波
有曳影之劍騰空而舒若四方有兵此劍則飛起指
其方則剋伐未用之時嘗於匣裏如龍虎之吟

溟海之北有勃鞞之國人皆衣羽毛無翼而飛日中
無影壽千歲食以黑河水藻飲以陰山桂脂憑風而

翔乘波而至中國氣暄羽毛之衣稍稍自落帝乃更
以文豹爲飾獻黑玉之環色如淳漆貢玄駒千疋帝
以駕鐵輪騁勞殊鄉絕域其人依風泛黑河以旋其
國也

閭河之北有紫桂成林其實如棗羣仙餌焉韓終採
藥四言詩曰閭河之桂實大如棗得而食之後天不
老

高辛

陳子龍曰。
投昇有北
始此。

帝嚳之妃鄒屠氏之女也。軒轅去蚩尤之凶，遷其民。
善者於鄒屠之地，遷惡者於有北之鄉。其先以地命
族，後分爲鄒氏、屠氏。女行不踐地，嘗履風雲，游於伊
洛。帝乃期焉，納以爲妃。妃嘗夢吞日，則生一子。凡經
八夢，則生八子。世謂爲八神。亦謂八翌，翌明也。亦謂
八英。亦謂八力。言其神力英明。翌行萬象，億垺流其
神睿焉。

有丹丘之國，獻礪砥甕以盛甘露。帝德所洽，被於殊

方以露充於厨也。礪礪石類也。南方者爲之勝。今善
別馬者死。則破其腦視之。其色如血者。則日行萬里。
能騰空飛。腦色黃。日行千里。腦色青者。嘶聞數百里。
腦色黑者。入水毛鬣不濡。日行五百里。腦色白者。多
力而怒。今爲器多用赤色。若是人工所制者。多不成
器。亦殊樣拙。其國人聽馬鳴。則別其腦色。丹丘之地
有夜叉駒跋之鬼。能以赤馬腦爲瓶盃。及樂器。皆精
妙輕麗。中國人有用者。則魑魅不能逢之。一說云。馬

吳弘基曰
龍睽車志

云天下無
處非鬼也

寒無間獨

至人國白

至城鬼不

敢入蓋鬼

陰物喜黑

而畏白也

○江南有

人長七丈

黃父以鬼

為飯以霧

雲為漿口

為瓊鬼血

腦者言是惡鬼之血凝成此物昔皇帝除蚩尤及四

方羣凶并諸妖魅填川滿谷積血成淵聚骨如嶽數

年中血凝如石骨白如灰膏流成泉故南方有肥泉

之水有白堊之山望之歲歲如霜雪矣又有丹丘千

年一燒黃河千年一清至聖之君以為大瑞丹丘之

野多鬼血化為丹石則碼碼也不可斫削琢乃可

鑄以為器也當皇帝時碼碼甕至堯時猶存其露在

其中盈而不竭謂之寶露以班賜羣臣至舜時露已

漸滅。隨帝世之汙隆。時淳則露滿。時澆則露竭。及乎
三代。滅於陶唐之庭。舜遭寶甕於衡山之上。故衡山
之嶽有寶露壇。舜於壇下起月館。以望夕月。舜南巡
至衡山。百辟奉后。皆得露泉之賜。時有雲氣生於靈
壇。又遷寶甕於零陵之上。舜崩。甕淪於地下。至秦始
皇通汨羅之流。爲小溪。逕從長沙至零陵。掘地得赤
玉甕。可容八斗。以應八方之穀。在舜廟之堂前後。人
得之。不知年月。至後漢東方朔識之。朔乃作寶甕銘。

曰寶雲生於露壇。祥風起於月館。望三壺如盈尺。視八鴻如縈帶。三壺則海中三山也。一曰方壺則方丈也。二曰蓬壺則蓬萊也。三曰瀛壺則瀛洲也。形如壺器。此三山上廣中狹下方。皆如工削。猶華山之似削。成八鴻者。八方之名。鴻大也。登月館以望四海三山。皆如聚米。縈帶者矣。

唐堯

帝堯在位。聖德光洽。河洛之濱。得玉版方尺。圖天地

史記卷一百一十五
封禪書

吳弘基曰
堯為仁君
一日十瑞
宮中易化
為禾鳳凰
止于庭神
龍見于宮
沼歷草生
堦宮禽五
色鳥化白
神木生蓮
蓬蒲生厨

之形又獲金辟之瑞文字炳列記天地造化之始四
凶既除善人來服分職設官彝倫攸叙乃命大禹疏
川濬澤有吳之鄉有北之地無有妖災沉翺之類自
相馴擾幽州之墟羽山之北有善鳴之禽人面鳥喙
八翼一足毛色如雉行不踐地名曰青鸛其聲似鐘
磬笙竽也世語曰青鸛鳴時太平故盛明之世翺鳴
數澤音中律呂飛而不行至禹平水土棲於川嶽所
集之地必有聖人出焉目上古鑄諸瓶器皆圖像其

景星耀于天，甘露降于地，是為十瑞。鍾惺曰：賦物妙手。

按堯沉璧于河，白雲起迴風，搖落。

形銘贊至今不絕。堯登位三十年，有巨查浮於西海。查上有光，夜明晝滅。海人望其光，乍大乍小，若星月之出入矣。查常浮繞四海，十二年一周天，周而復始，名曰貫月查。亦謂桂星查。羽人棲息其上，群仙含露以漱。日月之光則如暝矣。虞夏之季，不復記其出沒。遊海之人猶傳其神仙也。西海之西有浮玉山，山下有巨穴，穴中有水，其色若火。晝則通曉，不明夜則炤耀。穴外雖波濤灌蕩，其光不滅，是謂陰火。當堯世，其

光爛起化爲赤雲丹輝炳映百川恬澈游海者銘曰
沉燃以應火德之運也堯在位七十年有鸞雛歲歲
來集麒麟遊於藪澤梟鵂延於絕漠有祗支之國獻
重明之鳥一名雙睛言雙睛在目狀如雞鳴似鳳時
解落毛羽肉翮而飛能搏逐猛獸虎狼使妖災群惡
不能爲害飴以瓊膏或一歲數來或數歲不至國人
莫不掃灑門戶以望重明之集其未至之時國人或
刻木或鑄金爲此鳥之狀置於門戶之間刻魑魅醜

吳松基曰
春秋孔演
圖云舜之
將興白雲
入房後湯
將興白雲
入房

類自然退伏。令人每歲元日。或刻木鑄金。或畫圖爲雞於牖上。此之遺像也。

虞舜

虞舜在位十年。有五老遊於國都。舜以師道尊之言。則及造化之始。舜禪於禹。五老去不知所從。舜乃置五星之祠以祭之。其夜有五長星出。薰風四起。連珠合璧。祥應備焉。萬國重譯而至。有大頻之國。其民來朝。乃問其災祥之數。對曰。昔北極之外。有潼海之水。

陳仁錫曰
水經未黃
之理

史記通鑑
指遺言
十一
渤。濶。高。隱。於。日。中。有。巨。魚。大。蛟。莫。測。其。形。也。吐。氣。則。
八。極。皆。聞。振。響。則。五。嶽。波。盪。當。唐。堯。時。懷。山。爲。害。大。
蛟。縈。天。縈。天。則。三。河。俱。溢。海。瀆。同。流。五。河。者。天。河。地。
河。中。河。是。也。此。三。水。有。時。通。壅。至。聖。之。治。水。色。俱。溢。
無。有。流。沫。及。帝。之。商。均。暴。亂。天。下。則。巨。魚。吸。日。蛟。繞。
於。天。故。誣。妄。也。此。言。吸。日。而。星。雨。皆。墜。抑。亦。似。是。而。
非。也。故。使。後。來。爲。之。迴。惑。託。以。無。稽。之。言。特。取。其。愛。
博。多。奇。之。間。錄。其。廣。異。宏。麗。之。靡。矣。舜。葬。蒼。梧。之。野。

有鳥如雀。丹州而來。吐五色之氣。氤氲如雲。名曰憑
霄雀。能群飛。銜土成丘墳。此鳥能反形變色。集於峻
林之上。在木則爲禽。行地則爲獸。變化無常。常遊丹
海之際。時來蒼梧之野。銜青砂珠。積成壘。阜名曰珠
丘。其珠輕細。風吹如塵。起名曰珠塵。今蒼梧之外山
人採藥時。有得青石圓潔如珠。服之不死。帶者身輕。
故僊人方迴遊西嶽七日。讚曰。珠塵圓潔輕且明。有
道服者得長生。

冀州之西二萬里有孝養之國其俗人年三百歲而織茅爲衣即尚書島夷卉服之類也死葬之中野百鳥銜土爲墳群獸爲之掘穴不封不樹有親死者尅木如影事之如生其俗驍勇能嚙金石其舌杪方而本小手搏千鈞爪畫地則興泉涌流善養禽獸入海取虬龍育於閭室以充祭祀昔皇帝伐蚩尤除諸凶害獨表此處爲孝養之鄉萬國莫不欽仰故舜封爲孝讓之國舜受堯禪其國執王帛來朝時加賓禮

異於餘戎狄也。爰及鳥獸昆虫，以應陰陽。至億萬之
年，山一輪，海一竭，魚蛟陸居，有赤鳥如鵬，以翼覆蛟
魚之上，蛟以尾叩天求雨，魚吸日之光。冥然則暗如
薄蝕矣。衆星與雨偕墜，舜乃禱海嶽之靈，萬國稱聖
德之所洽，群祥咸至矣。

南潯之國有洞穴陰源，其下通地脉，中有毛龍。時蛇
骨於曠澤之中，魚龍同穴而處。其國獻毛龍一雌一
雄，放置豢龍之宮。至夏代，養龍不絕，因以命族。至禹

漢川乘此龍及四海攸同反放河汭

錄曰按春秋傳云星隕如雨而夜猶明淮南子曰
麒麟鬪而日月蝕鯨魚死而彗星見夫盈虛薄蝕
未詳變於聖典彗星妖沴著災異於圖冊麒麟鬪
鯨魚死靡聞於前經求諸正誥殆將昧焉

錄曰自稽考羣籍伏羲至於軒轅少昊高辛唐虞
之君禪業相襲符表名類未若堯之盛也按易緯
云堯爲陽精叶德乾道粵若稽古是謂上聖惟天

惟大惟堯則之禪業有虞。所謂契叶符同明象日月。蓋其載歷遐曠。筭紀綿遠。德業異紀。神迹各殊。考傳聞於前古。求僉言於中世。而道教參差。祥德遞起。指明羣說。能無髣髴。精靈冥昧。至聖之所不語。安以淺末貶其有無者哉。劉子政曰。凡傳聞不如親聞。親聞不如親見。何則。神化歟忽。出隱難嘗。非膚受之所考筭。恒情之所思測。至如龍火鳥木之異。雲鳳麟蟲之屬。魍魎百怪之形。歟忽之像。衆

風雲而自生。因金玉而相化。未詳備於夏鼎。信莫
記於山經。貫月查之誕。重明桂實之說。陽燧出於
冰。木陰蟲生於炎。山易腹倒舌之民。蛻骨龍肉之
景。憑風雲而託生。含雨露而蠶育。已表怪於衆圖。
方見備於羣記。茫茫遐邇。眇眇流文。百家迂濶。各
尚斯異。吁。守文於一說者矣。

夏禹

堯命夏鯀治水。九載無績。鯀自沉於羽淵。化爲玄魚。

時揚鬚振鱗橫修波之上見者謂爲河精羽淵與河
海通源也海民於羽山之中修立魼廟四時以致祭
祀常見玄魚與蛟龍跳躍而出觀者驚而畏矣至舜
命禹疏川奠嶽濟巨海則鼃鼃而爲梁踰翠岑則神
龍而爲馭行遍日月之墟惟不踐羽山之地皆聖德
感魼之靈化其事牙說神變猶一而色狀不同玄魚
黃熊四音相亂傳寫流文魼字或魚邊玄也羣疑衆
說並略記焉

錄曰書契之作筆迹軒轅道樸風淳文用尚質降
及唐虞爰迄三代世紀遐絕載歷綿遠列聖通儒
憂乎道缺故使玉牒金繩之書蟲章鳥篆之記或
祕諸巖藪藏於屋壁或逢喪亂經籍事寢前史舊
章或流散異域故字體與俗訛移其音旨隨方牙
改歷商周之世又經嬴漢簡帛焚裂遺文殘泯詳
其朽蠹之餘採摭傳聞之說是以曾亥正於前疑
三豕析於後謬子年所述涉乎萬古與聖叶同摛

文求理斯言。如或可據。尚書云。堯殛鯀於羽山。春
秋傳曰。其神化爲黃熊。以入羽淵。是在山變爲熊。
入水化爲魚也。獸之依山。魚之附水。各因其性而
變化焉。詳之正典。爰訪雜說。若真若似。並略錄焉。
雙云。昔禹會塗山。執玉帛者萬國。防風氏後至。禹
誅之。其長三丈。其骨頭專。車今南民中有姓防風
氏。即其後也。皆長大。越俗祭防風神。奏防風古樂。
截竹長三尺。吹之如嗥。三人披髮而舞。

禹鑄九鼎五者以應陽法四者以象陰數使工師以
雌金爲陰鼎以雄金爲陽鼎鼎中常滿以占氣象之
休否當夏桀之世鼎水忽沸及周將末九鼎咸震皆
應滅亡之兆後世聖人因禹之迹代代鑄鼎焉禹盡
力溝洫導川夷嶽黃龍曳尾於前玄龜負青泥於後
玄龜河精之使者也龜額下有印文皆古篆字作也
州山川之字禹所穿鑿之處皆以青泥封記其所使
玄龜印其上今人聚土爲界此之遺象也

禹鑿龍闕之山，亦謂之龍門。至一土巖，深數十里，幽
暗不可復行。禹乃負火而進，有獸狀如豕，銜夜明之
珠，其光如燭。又有青犬行吠於前，而計可十里。迷於
晝夜，既覺漸明，見向來豕犬變爲人形，皆着玄衣。又
見一神，蛇身人面。禹因與語，神即示禹八卦之圖，列
於金板之上。又有八神侍側。禹曰：華胥生聖子，是汝
耶？答曰：華胥是九河神女，以生余也。乃探玉簡授禹，
長一尺二寸，以合十二時之數，使量度天地。禹即執

吳知基曰
春秋潛潭
巴云天子
有三寶謂

璿璣玉衡
律度

史拾遺

卷一

持此簡以平定水土蛇身之神卽羲皇也。

錄曰夫神迹難求幽暗罔辯希夷髣髴之間聞見
以之徇惑若測諸冥理先墳有所指明是以彭生
假見於貝丘趙王示形於蒼犬皆文備魯冊驗表
齊漢遠古曠代事異神同銜珠吐燭之怪精靈一
其均矣若夫茫茫禹跡杳漠神源非末俗所能推
辯矣觀伏羲至於夏禹歲歷悠曠載祀綿邈故能
與日月共輝陰陽齊契萬代百王情異迹至參機

會道視萬齡如旦暮促累劫於寸陰何嗟鬼神之
可已而疑羲禹之相遇乎

殷湯

吳弘基曰
按賈氏說
林云湯既
伐桀讓於
務光務光
笑曰以九
尺之夫而
讓天下於
我足形吾
短也羞而

商之始也有神女簡狄遊於桑野見黑鳥遺卵於地
有五邑文作八百字簡狄拾之貯以玉筐覆以朱紱
夜夢神母謂之曰爾懷此卵即生聖子以繼金德狄
乃懷卵一年而有娠經十四月而生契祚以八百叶
卵之文也雖遭旱厄後嗣興焉

沉于水。有
只尺之魚
負之而去

傅說貨爲赭衣者。春於深巖以自給。夢乘雲繞日而行。筮得利建侯之卦。歲餘湯以玉帛聘爲阿衡也。

紂之昏亂。欲討諸侯。使飛廉惡來誅戮賢良。取其寶器埋於瓊臺之下。使飛廉等惑所近之國。侯服之內。使烽燧相續。紂登臺以望火之所在。乃興師往伐其國。殺其君。囚其民。收其女樂。肆其淫虐。神人憤怒。時有朱鳥銜火如星之炤耀。亂以烽燧之光。紂乃回惑。使諸國滅其烽燧。於是億兆夷民乃歡。萬國已靜。及

武王伐紂。樵夫牧豎探高鳥之巢。得玉璽。文曰水德
將滅。木祚方盛。文皆大篆。紀殷之世。歷已盡。而姬聖
之德方隆。是以三分天下。而其二歸周。故蚩蚩之類。
嗟殷亡之晚。望周來之遲矣。

師延者。殷之樂人也。設樂以來。世遵此職。至師延精
述陰陽。曉明象緯。莫測其爲人。世載遼絕。而或出或
隱。在軒轅之世。爲司樂之官。及殷時。總修三皇五帝
之樂。拊一絃。琴則地祇皆升。吹玉律。則天神俱降。當

軒轅之時年已數百歲聽衆國樂聲以審興亡之兆至夏末抱樂器以奔殷而紂淫於聲色乃拘師延於陰宮欲極刑戮師延旣被囚繫奏清商流徵滌角之音司獄者以聞於紂紂猶嫌曰此乃淳古遠樂非余可聽說也猶不釋師延乃更奏迷魂淫魄之曲以歡修夜之娛乃得免炮烙之害周武王興師乃越濮流而逝或云死於水府故晉衛之人鑄石鑄金以像其形立祀不絕矣

錄曰三墳五典及諸緯侯雜說皆言簡狄吞鷺卵
而生契詩云天命玄鳥降而生商斯文正矣此說
懷感而生衆言各異故記其殊別也傳說去其春
築釋彼傭賃應翹旌而來相可謂知幾其神矣同
磻溪之歸周異殷相之負鼎龍蛇遇命道會則通
斯則往賢之明教通人之至規樂天知命信之經
言也死且不朽是謂名也烏無聲譽於後裔揚風
烈於萬祀譬諸金玉煙埃不能埋其堅貞比之涇

漢。淄。渭。不。能。混。其。澄。澈。師。延。當。紂。之。虐。矯。步。求。存。
困。權。取。濟。觀。時。殉。主。全。身。獲。免。所。謂。困。而。能。通。卒。
以。智。免。故。影。被。丹。青。形。刊。金。石。受。其。和。樂。之。功。貴。
其。神。迹。之。遠。矣。至。如。越。思。計。然。之。利。鑄。金。以。旌。其。
德。方。斯。蔑。矣。

周

周。武。王。東。伐。紂。夜。濟。河。時。雲。明。如。晝。八。百。之。族。皆。齊。
而。歌。有。大。蜂。狀。如。丹。鳥。飛。集。王。舟。因。以。鳥。畫。其。旗。翌。

日而梟紂名其船曰蜂舟魯哀公二年鄭人擊趙簡子得其蜂旗則其類也武王使畫其像於幡旗以爲吉兆今人幡信皆爲鳥畫則邊像也

成王即政三年有泥離之國來朝其人稱自發其國當從雲裏而行聞雷霆之聲在下或入潛穴又聞波瀾之聲在上視日月以知方國所向計寒暑以知年月考國之正朔則序曆與中國相符王接以外賓禮也

箋云。武王伐紂。過隧。斬岸。過水。折舟。過谷。發梁。過山。焚萊。示民無逆志也。至於有戒之隧。大風折旆。散宜生諫曰。此其妖與。武王曰。非也。天落兵也。風霽而乘。以大雨。水平地而嗇。散生又諫曰。此其妖歟。武王曰。非也。天洒兵也。卜而龜。燔。散生又諫曰。此其妖與。武王曰。不利。以禱祠。利。以擊衆。是燔之已。故武王順天地。犯三妖。而禽紂於牧野。其所獨見者。精也。

西華、璠塗國獻鳳雛，載以瑤華之車，飾以五色之玉，
駕以赤象。至於京師，育於靈禽之苑，飲以瓊漿，飴以
雲實。二物皆出上元仙方。鳳初至之時，毛色文彩彪
發，及成，王卦泰山禪社首之後，文彩炳耀，中國飛走
之類不復喧鳴，咸服神禽之遠至也。及成王崩，冲飛
而去。孔子相魯之時，有神鳳遊集，至哀公之末，不復
來翔，故云鳳鳥不至，可爲悲矣。

五年，有因祗之國，去王都九萬里，獻女工一人，體貌

輕縈被纖羅雜繡之衣長袖修裾風至則結其衿帶
恐飄飄不能自止也其人善織以五色絲內於口中
手引而結之則成文錦其國人來獻有雲崑錦文似
雲從山嶽中出有列堞錦文似雲霞覆城雉樓堞雜
珠錦文似貫珠珮也有篆文錦文似大篆之文也有
列明錦文似列燈燭也幅皆廣三尺其國丈夫勤於
耕稼一日鋤十頃之地又貢嘉禾一莖盈車故時俗
四言詩曰力勤十頃能致嘉穎

六年燃丘之國獻比翼鳥鳴鳩各一以玉爲樊其國
使者皆拳頭尖鼻衣雲霞之布如今朝霞也經歷百
有餘國方至京師其中路山川不可記越鐵峴泛沸
海地洲蜂岑鐵峴峭礪車輪剛金爲輞比至京師輪
皆鈹銳幾盡又沸海涵湧如煎魚鼈皮骨堅強爲石
可以爲鎧泛沸海之時以銅薄舟底蛟龍不能近也
又經地洲則以豹皮爲屋於屋內推車又經蜂岑燃
胡蘓之木此木煙能殺百虫經途十五餘年乃至洛

周公歸政
於成王太
平制禮
鳳見

邑成王封泰山禪社首使發其國之時並童稚至京
師鬚皆白及還至然丘容貌還復少狀比翼鳥多力
狀如鵲銜南海之丹泥巢崑崙之玄木遇聖則來集
以表周公輔聖之祥異也

七年南陞之南有扶婁之國其人善能機巧變化異
形改服大則興雲起霧小則入於纖毫之中綴金玉
毛羽為衣裳吐雲噴火鼓腹則如雷霆之聲或化為
群犀象師子龍蛇火鳥之狀或變為虎兕口中生人

備百戲之樂。宛轉屈曲於指掌間。人形或長數分。或復數寸。神怪欻忽。銜麗於時。樂府皆傳此伎。至末代。猶學焉。得鹿亡精。代代不絕。故俗謂之婆猴伎。則扶婁之音訛替至今。

昭王即位二十年。王坐祗明之室。晝而假寐。忽夢白雲蓊蔚而起。有人衣服並皆毛羽。因名羽人。夢中與語。問以上仙之術。羽人曰。大王精智未開。欲求長生。久世不可得也。王跪而請受絕慾之教。羽人乃以指

楊慎曰萬緣能斷端自一心伐毛洗髓都是隔靴撓痒

畫王心應手即裂王乃驚寤而血濕衿席因患心疾
即卻膳撤樂移於旬日忽見所夢者復來語王曰先
欲易王之心乃出方寸綠囊中有續脉明丸補血精
散以手摩王之臆俄而即愈王即請此藥貯以玉缶
絨以金繩王以塗足則飛天地萬里之外如遊咫尺
之內有得服之後天而死
二十四年塗修國獻青鳳丹鵲各一鳴一雄益夏之
時鳳鵲皆脫易毛羽聚鵲翅以爲扇緝鳳羽以飾車

蓋也。扇一名遊颿。二名條翻。三名麝光。四名仄影。時
東甌獻二女。一名延娟。二名延娛。使二人更搖此扇。
侍於王側。輕風四散。冷然自涼。此二人辯口麗辭。巧
善歌笑。步塵上無跡。行日中無影。及昭王淪於漢水。
二女與王乘舟。夾擁王身。同溺於水。故江漢之人。到
今思之。立祀於江湄。數十年間。人於江漢之上。猶見
王與二女乘舟。戲於水際。至暮春上巳之日。禊集祠
間。或以時鮮甘味。採蘭杜。包裹以沉水中。或結五色

紗囊盛食或用金鐵之器並沉水中以驚蛟龍水虫
使畏之不侵此食也其水傍號曰招祇之祠綴青鳳
之毛爲二裘一名煇質二名暉服之可以卻寒至
厲王流於羸羸人得而奇之分裂此裘遍於羸土罪
人大辟者抽裘一毫以贖其死則價值萬金

錄曰武王資聖智而克伐觀天命以行誅不驅熊
羆之師不勞三戰之旅一戎衣而定王業憑神力
而協符瑞至於成王制禮崇樂姬德方盛營洛邑

吳王基曰
集稽攷嘉
云武王承
命興師誅
紂商萬國

感喜軍渡
監前歌後
舞乃大安
家給人足
酌酒營搖

而居九鼎寢刑廟而萬國來賓雖大禹之隆夏績
帝乙之興殷道未足方焉故能繼后稷之先基紹
公劉之聖德文武之跡不墜故大雅稱為今德播
聲教於八荒之外流仁惠於九圍之表神智之所
綏化遐通之所來服靡不越岳航海交賁於遼陰
之路瑰寶殊怪之物充於王庭靈禽神獸之類遊
集林藪詭麗珠用之物鐫斲異於人功方冊未之
或載篆素或所不絕及乎王人風舉之使直指踰

於日月之陰窮昏明之際。覘風星以望路。憑雲波而遠逝。所謂道通幽微。德被冥昧者也。

周穆王

穆王卽位三十二年。巡行天下。馭黃金碧玉之車。傍氣乘風。起朝陽之岳。自明及晦。窮寓縣之表。有書史十人。記其所行之地。又副以瑤華之輪。十乘隨王之後。以載其書也。王馭八龍之駁。一名絕地足。不踐土。二名翻羽。行越飛禽。三名奔霄。夜行萬里。四名超影。

吳弘基曰。
東海島龍
川穆天子
喬八駁虞

也。島中有
草名龍芻。
馬食之。一
日千里。古
語云一株
龍芻化為
龍駒。又
曰周穆王
之犬走千
里。食虎豹。

逐日而行。五名踰輝。毛色炳耀。六名超光。一形十影。
七名騰霧。乘雲而奔。八名挾翼。身有肉翅。遞而駕焉。
按轡徐行。以匝天地之域。王神智遠。謀使迹轍。遍於
四海。故絕異之物。不期而自服焉。

錄曰。夫因氣含生。罕不以形相別。至於比德方事。
龍馬則同類焉。是以蔡曇觀其智。忌衛相其才。抑
亦昭發於圖緯。而刊載於寶牒。章皇王之符瑞。叶
河洛之禎祥。故以丹青列其形。銅玉傳其象。至如

騄耳驊騮赤驥白麟之絕黃渠山子踰輪之異不
可得而比也。故能遙碣石而輾倒碣。排閭闔而軼
姑徐。非夫埽風彌塵之迹。超虛送日之步。安能若
是哉。望絳宮而驤首。指瓊臺而一息。緊可得而齊
影矣。至於詩書所記名色實多。駢駘麗乎垌野。皎
質耀乎空谷。或表形駟紫被乎青玄。難可盡言矣。
其有龍文驤褭之倫。取其電逝而颺逸。驕驕駛驥
之儔。亦騰驤以稱駿。莫不待盛明而皆出。歷代之

神寶矣。次有蒲梢、騊駼、魚文、驪駒之類，或擅名於
漢右，或珍生於冀北，備飾於涓正，填列於帝皐。進
則充服於上，襄而騶驪於瑤輅；退則羈棄於下園，
而思馭於帝閑。俟吳班、秦公之見識，仰天門而彌
遠，窺雲路而可難哉！使乎韓哀、孫陽之復執靶，豈
傷吻幣，榮伏匿而不進焉？自非神微幽遐，體炤冥
遠，驅駕羣龍，窮觀天域，詳搜迥古，靡得儔焉。
幾云：按《鄉嬛記》曰：周穆王迎意而子，居靈卑之宮。

訪以至道後欲以為司徒意而子愀然不悅奮身
化作玄鳥飛入雲中故後人呼玄鳥為意而

三十六年王東巡大騎之谷指春宵宮集諸方士仙
術之要而螭鵠龍蛇之類奇種憑空而出時已將夜
王設常生之燈以自炤一名恒輝又列璫膏之燭遍
於宮內又有鳳腦之燈又有冰荷者出冰壑之中取
此花以覆燈七八尺不欲使光明遠也西王母乘翠
鳳之輦而來前導以文虎文豹後列雕麟紫磨曳丹

王之履數碧蒲之薦黃莞之薦共王帳高會薦清澄
琬琰之膏以爲酒又有洞淵紅藕嶢州甜雪崐流素
蓮陰岐黑棗萬歲冰桃千常碧藕青花白橘素蓮者
一房百子凌冬而茂黑棗者其樹百尋實長二尺核
細而柔百年一熟

扶桑東五萬里有磅礴山上有杔樹百圍其花青黑
萬歲一實鬱水在磅礴山東其水小流在大陂之下
所謂沉流亦名重泉生碧藕長千常七尺爲常也條

吳弼基曰
周穆王時
天下連雨
三月穆王
乃吹笛其
雨遂止
出穆天子
傳

陽山出神蓬如蒿長十丈周初國人獻之周以爲宮
柱所謂蒿宮也中有白橘花色翠而實白大如瓜香
聞數里奏環天之和樂列以重霄之寶器器則有岑
華鏤管睥澤雕鐘員山靜瑟浮瀛羽磬撫節按歌萬
靈皆聚環天者鈞天也和廣也岑華山名也在西海
上有象竹截爲管吹之爲羣鳳之鳴睥澤出精銅可
爲鐘鐸員山其形員也有大林雖疾風震地而林木
不動以其木爲琴瑟故曰靜瑟浮瀛即瀛洲也上有

吳弘基曰
春秋佐助
期云僖公
九年秋三
年冬並大
雨電時僖
公專樂齊
女綺畫珠
璣之好掩
月光陰精
疑為災異

青石可為磬磬者長一丈輕若鴻毛因輕而鳴西王
母與穆王歡歌既畢乃命駕昇雲而去

魯僖公

僖公十四年晉文公焚林以求介之推有白鷗逸煙
而噪或集之推之側火不能焚晉人嘉之起一高臺
名曰思烟臺種仁壽木木似栢而枝長柔軟其花堪
食故呂氏春秋云木之美者有仁壽之華焉即此是
也或云戒所焚之山數百里居人不得設網羅呼曰

仁鳥俗亦謂烏白臆者為慈鳥則其類也

錄曰。楚令尹子革有言曰。昔穆王欲肆心周行。使天下皆有車轍馬跡。考以竹書蠹簡。求諸石室。不絕金繩。山經爾雅。及乎大傳。雖世歷悠遠。而記說叶同。石山大川。肆登躋之極。殊鄉異俗。莫不臆拜稽顙。東升巨人之臺。西宴王母之堂。南渡鼇鼉之梁。北經積羽之地。觴瑤池而賦詩。期并洎而遊博。勒石軒轅之丘。絕跡玄圃之上。自開闢以來。載籍

所記未有若斯神異者也。

周靈王

周靈王立卅一年、孔子生於魯襄公之世、夜有二神、龍自天而下來、附徵在之房、因夢而生夫子、有二神、女擎香露於空中而來、以沐浴徵在、天帝下奏欽天之樂、列以顏氏之房、空中有聲、言天感生聖子、故降以和樂笙鏞之音、異於俗世也。又有五老列於徵在之庭、則五星之精也。夫子未生時、有麟吐玉書於闕。

按孔子坐
玄扈洛水
之上赤雀
銜丹書隨
至

里人家文云水精之子孫衰周而素王故二龍繞室
五星降庭徵在賢明知爲神異乃以繡紱繫麟角信
宿而麟去相者云夫子係殷湯水德而素王至敬王
之末魯定公廿四年魯人鋤商田於大澤得麟以示
夫子繫角之紱尚猶在焉夫子知命之將終乃抱麟
解紱涕泗滂沱且麟出之時及解紱之歲垂百年矣
錄曰詳觀前史歷覽先誥援神鉤命之說六經緯
候之志研其大較與今所記相符語乎幽秘彌深

陳仁錫曰
每離麗

影響故近作書者莫不憲章古策斟酌舊文益以
至聖之德列廣也。是以尊德崇道必欲盡其真極。
崑華不足以匹其高。滄溟未得以方其廣。舍生有
識仰之如日月焉。夫子生鍾周季王政寔缺。愍大
道之將崩。惜文雅之垂墜。乃搜舊章而定五禮。採
遺音而正六樂。故以棟宇生民。舟航萬代者也。所
謂崇德廣業。其謂是乎。孟子云千年一聖。謂之連
步。自絕筆以來。載歷年紀。難可稱筭。故通人之言。

有聖將及後來諸疑更發明其章也

二十二年起昆昭之臺亦名宣昭聚天下異水神工
得崿谷陰生之樹其樹千尋文理盤錯以此一樹而
臺用足焉大幹爲桁棟小枝爲桷栱其木有龍蛇百
獸之形又節水精以爲泥臺高百丈昇之以望雲色
時有美弘能招致神異王乃登臺望雲氣翳鬱忽見
二人乘雲而至鬚髮皆黃非世俗之類也乘遊龍飛
鳳之輦駕以青螭其衣皆縫緝毛羽也王即迎之上

席時天下大旱。地裂木燃。一人先唱。能爲雪霜。引氣
一噴。則雲起。雪飛。坐者皆凜然。宮中池井堅冰。可琢。
又設狐腋素裘。紫羅文褥。羆褥。是西域所獻也。施於
臺上。坐者皆溫。又有一人唱。能使即席爲炎。乃以指
彈席上。而暄風入室。裘褥皆棄於臺下。時有客成子。
諫曰。大王以天下爲家。而染異術。使變夏改寒。以誣
百姓。文武周公之所不取也。王乃踈萇弘。而求正諫
之士。時異方貢玉人石鏡。此石色白如月。照面如雪。

謂之月鏡。有玉人機。自能轉動。萇弘言於王曰。聖
德所招也。故周人以萇弘幸媚而殺之。流血成石。或
言成碧。不見其尸矣。

有韓房者。自渠胥國來。獻玉駝。高五丈。虎魄鳳凰。高
六尺。火齊鏡。廣三尺。闇中視物如畫。向鏡語。則鏡中
影應聲而答。韓房身長一丈。垂髮至膝。以丹砂畫左
右手。如日月盈缺之勢。可炤百餘步。周人見之如神
明矣。靈王末年。亦不知所在。

錄曰。夫誘於可欲。而正德虧矣。惑於聞見。志用遷矣。周靈之謂乎。余乃受制於奢。玩神於亂。波蕩正教。為之媮薄。淫洎因斯。而滋焉。何則。溺此仙道。棄彼儒教。觀乎異俗。萬代之神絕者也。及其化流。遐俗風被。邊隅非正朔之所被服。四氣之所含養。而使鬼物隨方而競至。奇精自遠而來臻。窮天匝而盡地域。反五常而移四序。惚恍形象之間。希夷明昧之際。難可言也。窮幽極智。偉哉偉哉。凡事君盡

禮忠爲令德有違則規諫以竭言弗從則奉身以
求退甚能剖身碎首莫顧其生排戶觸輪知死不
去如手足備頭目舟楫濟巨川君臣之義斯爲至
矣而弘遠有犯無隱之誠行求媚以取容身卒見
於夷戮可爲哀也容成義弘不並語矣

師曠者或出於晉聖之世以主樂官妙辨音律撰兵
書萬篇時人莫知其原裔出汝難詳也晉平公之時
以陰陽之學顯於當世燠目爲瞽人以絕塞衆慮專

心於星筭音律之中。考鍾呂以定四時。無毫釐之異。
春秋不記師曠。出何帝之時。曠知命欲終。乃述寶符
百卷。晉戰國時其書滅絕矣。

老聃在周之末。居反景日室之山。與世人絕跡。惟有
黃髮老叟五人。或乘鴻鶴。或衣羽毛。耳出於頂。瞳子
皆方。面色玉潔。手握青筠之杖。與聃共談天地之數。
及聃退跡爲柱下史。求天地服道之術。四海名士莫
不爭至。五老即五方之精也。

浮提之國獻神通善書二人。下老子少隱形則出影聞聲則藏形。出肘間金壺四寸。上有五龍之檢。封以青泥。壺中有黑汁如淳漆。灑地及后皆成篆隸科斗之字。記造化人倫之始。佐老子撰道德經垂十萬言。寫以玉牒。編以金繩。貯以玉函。晝夜精勤。形勞神倦。及金壺神盡。二人剗心瀝血以代墨焉。遞鑽腦骨取髓代爲膏燭。及髓血皆竭。探懷中玉管。中有丹藥之屑。以塗其身。骨乃如故。老子曰。更除其繁。素存五千

言及至經成工畢二人亦不知所往

錄曰莊周云德配天地猶假至言觀乎老氏崇謙
柔以爲要挹虛寂以歸真知大樸之既漓義玄文
以示世孰能辨其虛無究斯深寂是以仲尼責其
德叶以神靈極譬二人以爲龍矣師曠設數千問
卒其春秋之末抱樸子謂爲知音之聖也雖容成
之妙大撓之推曆變襄之理樂延州之聽故未之
能過也

師涓出於衛靈公之世。寫列代之樂。造新曲以代古樂。故有四時之樂。春有離鴻去鴈應璫之歌。夏有明晨焦泉之華。流金之調。秋有商風白雲落葉吹蓬之曲。冬有凝河流陰沉雲之操。以此四時之聲。奏於靈公。靈公情酒心惑。忘於政事。蘧伯玉趨階而諫曰。此雖以鼓揚氣律。終爲沉酒滛漫之音。無合於風雅。非下臣宜薦於君也。靈公乃去其聲。而親政務。故衛人美其化焉。師涓悔其乖於雅頌。失爲臣之道。乃還而

隱跡遠伯玉焚其樂器於九達之衢恐後世傳造焉
錄曰夫體國以質直爲先漢改以兼約爲本故三
風十誓商書以之炤誓無荒無怠唐風貴其遵儉
聖公造詩人之明諷惟奢縱惑心雖追悔於初失
能華情於後諫日月之蝕無損明焉伯玉志存規
主秉亮爲心師消識進退之道觀過知仁一君二
臣斯可稱美

宋景公之世有善星文者許以上大夫之位處於層

樓延閣之上。以望氣象。設以珍食。施以寶衣。其食則有渠滄之鳧。煎以桂髓。葷庭之鷄。蒸以蜜沫。淇漳之鱧。脯以青茹。九江珠璣。饗以蘭蓀。華清夏潔。灑以織縞。華清井之澄華也。饗人視時而叩鐘。何食以擊盤。言每食而輒擊鐘磬也。懸曰時之衣。春夏金玉爲飾。秋冬以翡翠爲溫。燒異香於臺上。忽有野人被草負笈扣門而進。曰。聞國君愛陰陽之術。好象緯之秘。請見。景公乃延之。崇堂語則及未來之兆。次及已生之

事萬不失。一夜則觀星望氣。晝則執筭披圖。不服質衣。不甘奇食。景公謝曰。今國喪亂。微君何以輔之。曰。德之不均。亂將及矣。修德以來人。則天應之。祥人美其化。景公曰善。遂賜姓曰子氏。名之曰韋。即子常也。錄曰。宋子韋世司天部。妙觀星緯。柳亦梓慎裨竈之儔。景公待之若神。禮以上列。服以絕世之衣。膳以殊方之味。雖謂大禽之旨。華裝龍衮之服。及斯固陋矣。春秋因生以賜姓。亦緣事以顯名。號司星。

氏至六國之末著陰陽之書

出班固藝文志

越謀滅吳蓄天下奇寶美人異味進於吳殺三牲以
祈天地殺龍蛇以祠川岳矯以江南億萬戶民輸吳
爲傭保越又有美女二人一名夷光一名修明

即西施鄭

旦之以貢於吳吳處以椒華之房貫細珠爲簾幌朝

下以蔽景夕捲以待月二人當軒並坐理鏡靚粧於

珠幌之內竊窺者莫不動心驚視謂之神人吳王妖
惑怠政及越兵入國乃抱二女以逃吳苑越軍亂入

見二女在樹下、皆言神女、望而不敢侵、今吳城北門
內有柝林、尚爲祠神女之處、初越王入國、有丹鳥夾
王而飛、故句踐入國、起望烏臺、言丹鳥之異也、范蠡
相越、日致千金、家僮開筭術者萬人、收四海難得之
貨、盈積於越都、以爲器、銅鐵之類、積如山之阜、或藏
之井、塹謂之寶井、竒容麗色、溢於閨房、謂之遊宮、歷
古以來、未之有也、

錄曰、易尚謙益、書著明謨、人臣之體、以斯爲上、傳

曰知無不爲忠也。范蠡陳工術之本，而句踐乃霸
卒王百越，稱爲富強，斯其力矣。故能佯狂以晦跡，
浮海以避世，因三從以別名，功遂身退，斯其義也。
至如寶井遊宮，雖奢不惑，夫興亡之道，匪推之曆，
數亦繇才力而致也。觀越之滅，吳屈乘之體盡焉。
薦非世之絕姬，收歷代之神寶，斯皆跡殊而事同
矣。博識君子，驗斯言焉。

燕昭王

王即位二年，廣延國來獻善舞者二人，一名旋娟，一名提娛。玆玉質凝膚，體輕氣馥，綽約而窈窕，絕古無倫。或行無跡影，或積年不饑。昭王處以單綃華幄，飲以瑤珉之膏，飴以丹泉之粟。王登崇霞之臺，乃召二人徘徊翔舞，殆不自支。王以纓縷拂之，二人皆舞容冶，妖麗靡於鸞翔，而歌聲輕颺。乃使女伶代唱其曲，清響流韻，雖飄梁動木，未足嘉也。其舞一名縈塵，言其體輕與塵相亂。次曰集羽，言其婉轉若羽毛之從。

按燕昭王
種長春樹
葉如蓮花
樹身似桂
樹花隨四
時之色春
生碧花春
盡則落夏
生紅花夏
末則凋秋
生白花秋
殘則萎冬
生紫花遇
雪則謝故

風末曲曰旋懷言其支體纏蔓若入懷袖也乃設麟
文之席散荃蕪之香香出波弋國浸地則土石皆香
著朽木腐草莫不鬱茂以燠枯骨則肌肉皆生以肩
噴地厚四五寸使二女舞其上彌日無跡體輕故也
時有白鸞孤翔銜千莖穰穰於空中自生花實落地
則生根葉一歲百穫一莖滿車故曰盈車嘉穰麟文
者錯雜寶以飾席也皆為雲霞麟鳳之狀昭王復以
衣袖麾之舞者皆止昭王知其神異處於崇霞之臺

辨為長春
料

設枕席以寢譙遣侍人以衛之、王好神仙之術、玄天
之女託形作此二人、昭王之末、莫知所在、或云遊於
漢江、或伊洛之濱、

四年、王居正寢、召其臣甘肅曰、寡人志於僊道、欲學
長生久視之法、可得遂乎、肅曰、臣遊昆臺之山、見有
垂白之叟、宛若少童、貌如冰雪、行如處子、血清骨勁、
膚實腸輕、乃歷蓬瀛而超碧海、經涉升降、遊往無窮、
此為上仙之人也、蓋能去滯慾而離嗜愛、洗神滅念、

常遊於太極之門。今大王以妖惑目美味爽口。列女成羣。迷心動慮。所愛之容。恐不及玉。纖腰皓齒。患不如神。而欲卻老雲遊。何異操圭爵以量滄海。執毫釐而迴日月。其可得乎。昭王乃徹色減味。居乎正寢。賜甘露羽衣一襲。表其墟爲明真里也。

一作身毒國

七年。沐胥之國來朝。則申毒國之一名也。有道術人。名尸羅。問其年云。百三十歲。荷錫持餅。云發其國五年。乃至燕都。善術惑之術。於其指端出浮屠十層。高

二尺乃諸天神仙巧麗特絕人皆長五六分列幢蓋
鼓舞繞塔而行歌唱之音如真人矣尸羅噴水爲霧
霧暗數里間倏而復吹爲疾風霧霧皆止又吹指上
浮屠漸入雲裏又如左耳出青龍右耳出白虎始入
之時纔一二寸稍至八九尺倏而風至雲起即以一
手揮之即龍虎皆入耳中又張口向日則見人乘羽
蓋駕螭鵠直入於口內復以手抑鼻上而聞懷袖之
中轟轟雷聲更張口則見羽蓋螭鵠相隨從口中而

出尸羅常坐日中漸漸覺其形小或化為老叟或為
嬰兒倏忽而死香氣盈室時有清風來吹之更生如
向之形呪術術惑神怪無窮

八年盧扶國來朝渡河萬國方至云其國中山川無
惡禽獸水不揚波風不折木人皆壽三百歲結草為
衣是謂卉服至死不老咸知孝讓壽登百歲以上相
敬如至親之禮死葬於野外以香水靈草瘞瘞其尸
閭里助送號泣之音動於林谷河源為之流止春木

鍾惺曰如
此哀纏何

元夢箴乃
是拾卷

爲之改色居喪水漿不入於口至死者骨爲塵埃然後乃食昔大禹隨山濶川乃旌其地爲無老純孝之國

錄曰夫含靈稟氣取象二儀受命因生包乎五德故守淳明以修身資施以爲本義緣天屬生盡變敬之容體自心慈死結追終之慕蓋處物之常情有識之常道是以忠諫一至則會理以通幽神義由心洞祇靈爲之昭感迹顯神著表降羣祥行道

不遠、遠邇旌德、美乎異國之人、隔絕王化、聞大道、語其國法、華戎有殊、觀其政教、頗令殊俗、禮在四夷、事存諸誥、孝讓之風、萬不尚也。

九年、昭王思諸神異、有荅將子學道之人也。言於王曰、西王母將來遊、必語虛無之術、不踰一年、王母果至、與昭王遊於燧林之下、說炎帝鑽火之術、取綠桂之膏、燃以炷、夜忽有飛蛾銜火、狀如丹雀、來拂於桂膏之上、此蛾出於員丘之穴、穴洞達九天中、有細珠。

如流沙可穿而結因用爲珮此是神蛾之火也蛾憑
氣飲露飛不集下羣仙殺此蛾合丹藥西王母與羣
仙遊員丘之上聚神蛾以瓊筐盛之使王童負筐以
遊四極來降燕庭出此蛾以示昭玉王曰今乞此蛾
以合九轉神丹王母弗與昭王坐握日之臺參雲上
可捫日時有黑鳥白頭集王之所銜洞光之珠圓徑
一尺此珠色黑如漆懸炤於室內百神不能隱其精
靈此珠出陰泉之底陰泉在寒山之北員水之中言

史記卷一百一十五
水波嘗圓轉而流也。有黑蚌飛翔來去如五嶽之上。
昔黃帝時霧成子遊寒山之嶺得黑蚌在高崖之上。
故知黑蚌能飛矣。至燕昭王時有國獻於昭王。王取
瑤漳之水洗其沙泥乃嗟歎曰自懸日月以來見黑
蚌生珠已八九十遇此蚌千歲一生珠也。珠漸輕細
昭王常懷此珠當隆暑之月體自輕涼號曰銷暑摺
涼之珠也。

秦始皇

始皇元年、騫霄國獻刻玉善畫工名裔、使含丹青以
漱地、即成魑魅及詭怪羣物之象、刻玉爲百獸之形、
毛髮宛然真矣、皆銘其臆、前記以日月工人以指畫
地、長百丈、直如繩墨、方寸之內、畫以四瀆五嶽、列國
之圖、又畫爲龍鳳騫翥、若飛皆不可點睛、或點之必
飛走也、始皇嗟曰、刻畫之形、何得飛走、使以淳漆各
點兩玉虎、一眼睛、旬日則失之、不知所在、山澤之人
云、見二白虎、各無一目、相隨而行、毛色相似、異於常

見者。至明年。西方獻兩白虎。各無一目。始皇發檻視之。疑是先所失者。乃刺殺之。檢其脅前。果是元年所刺玉虎。迄胡亥之滅。寶劍神物。隨時散亂也。

始皇好神仙之事。有宛渠之民。乘螺舟。而至。舟形似螺。沉行海底。而水不侵入。一名淪波舟。其國人長十丈。編鳥獸之毛。以蔽形。始皇與之語。及天地初開之時。了如親親。曰。臣少時躡虛卻行。日遊萬里。及其老朽也。坐見天地之外事。臣國在咸池。日沒之所。九萬之訖矣。

鍾惺曰。使宛渠尚在。

世無耳食。

之訖矣。

里以萬歲如一日俗多陰霧遇其晴日則天豁然雲
裂耿若江漢則有玄龍黑鳳翻翔而下及夜燃石以
繼目光此石出燃山其土石皆自光澈扣之則碎狀
如粟一粒輝映一堂昔炎帝始變生食用此火也國
人今獻此石或有投其石於溪澗中則沸沫流於數
十里名其水為焦淵臣國去軒轅之丘十萬里少典
之子採首山之銅鑄為大鼎臣先望其國其金火氣
動奔而往視之三思已成又見冀州有異氣應有聖

吳弘基曰
秦始皇作
石橋於海
上欲過海
觀日出處
有神人馳
石去不速
神人鞭之
皆流血今
石橋其色
猶赤亦大
怪也

人生果有慶都生堯又見赤雲入於鄴鎬走而往視
果有丹雀瑞昌之符始皇曰此神人也彌信仙術焉
始皇起雲明臺窮四方之珍木搜天下之巧工南得
烟丘碧樹酈水燃沙貴都朱泥雲岡素竹東得葱鬱
錦栢漂樾龍松寒河星栢岍雲之梓西得漏海浮金
狼淵羽壑滌嶂霞桑沉塘員籌北得冥阜乾漆陰坂
文梓寒流黑魄閭海香瓊珍異是集二人騰虛緣木
揮斤斧於空中子時起工午時已畢秦人謂之子午

臺亦言於子午之地各起一臺二說疑也

箋云按漂粟手牘曰流波山下有然山千里民汲之以代油光明過於油數倍秦始皇使人汎千艘往山中取仙草每人不知水性夜以燭跋投水中火大發遍海延燒火光接千里一色無一人還者張儀蘓秦二人同志好學迭翦髮而鬻之以相養或傭力寫書非聖人之言不讀遇見墳典行途無所題記以墨書掌及股裏夜還而寫之折竹爲簡二人每

假食於路。剝樹皮。編以爲書。帙以盛。天下良書。嘗息
大樹之下。假息而寐。有一先生。問二子何勤苦也。儀
秦又問之。子何國人。荅曰。吾生於歸谷。亦云鬼谷。鬼
者。歸也。又云。歸者。谷名也。乃謂其術教。以干世出俗
之辯。即探胃內。得二卷說書。言輔時之事。古史考云。
鬼谷子也。鬼歸相近也。秦王子嬰立。凡百日。卽中趙
高謀殺之。子嬰寢於望夷之宮。夜夢有人身長十丈。
鬚鬢絕青。紉玉爲。而乘丹車。駕朱馬。而至宮門。云欲

見秦王子嬰閹者許進焉。子嬰乃與言，謂子嬰曰：「余是天使也，從沙丘來。天下將亂，當有同姓名欲相誅。暴望日廼起。子嬰則疑趙高，囚高於咸陽獄，懸於井中。七日不死，更以鑊湯煮之，日不沸，乃戮之。子嬰問獄吏曰：『高其神乎？』獄吏曰：『初囚高之時，見高懷有一青丸，大如雀卵。』時方士說云：『趙高先世受韓終丹法。』冬月坐於堅冰，夏日臥於爐上，不覺寒熱。及高死，子嬰棄高屍於九達之路，泣送者千家。或見一青雀從

高屍中出直入雲九轉之驗信於是乎子嬰所夢即
始皇之靈所著玉珥則安期先生所遺也鬼昧之理
萬世一時

錄曰夫含靈挺質罕不羨乎久視祈以長生苟乖
才性企之彌遠何者夫層宮峻宇肆其奢綽約柔
曼縱其惑九韶六英悅其耳喜怒刑賞示其威精
靈溺於常滯志意疲於馳策銷竭神慮翦刻天和
秦政自以功高三皇世踰五帝取惑徐市身殞沙

按漢孝惠時有道士
韓稚曰五
運相承迭
生迭死如
飛塵細雨

丘燕昭能延禮羣神百靈響集並欲棄機事以遊
真極去塵垢而望雲飛譬猶等溝澮於天河齊朝
茵於椿水超二儀於崑巒升一匱而坂重漢何則
望之與無階矣抱樸子曰學若牛毛得如麟角至
如秦皇燕昭之知雖微鑒仙體而未入玄真蓋由
褊惑尚多滯情未盡至於神通玄化說變萬端故
曰徐行雲垂之儔駕影秉霞之侶可得齊肩比步
焉與之棲息也窮神絕異隨方而來銜絕殊形越

論
仔殘不可

史記遺月
境而至託神以盡變因變以窮神觸象難名靈怪
莫測淮南子云含雷吐火之術出於萬畢之家方
毳羽於洪鑪炎烟火於冰水漏海螺船之屬飛珠
沉霞之類千途萬品書籍之所未詳自神化以來
神奇莫與爲例豈末代浮誣所能窺仰天齡促知
之所效哉今觀子年之記蘓張二人異辭同迹或
以字音相類或以土俗爲殊驗諸墳史豈惟秦儀
之見異者哉

拾遺記終





